

139. *O. asparagoides* Kränzl. n. sp. — Rhizoma crassiusculum, lignosum. Pseudobulbi (ut videtur) distantes, lineares vel elongato-oblongi, monophylli, foliis infrabulbosis 2 longe vaginantibus suffulti, fere 9 cm longi, subcompressi, 4 cm lati vel basi paulo latiores. Folia basi paulum complicata, obovato-oblonga, apice —?, coriacea, circ. 15 cm longa, 3,5 cm lata, multinervia. Inflorescentia paniculata, ampla, ad 80 cm longa, multiramosa, rami denuo ramulosi, inferiores ultra 20 cm longi, ramuli denique leviter fractiflexi, pluries centenos pedicellos brevissimos steriles, more *Asparagorum*, paucosque flores proferentes, bracteae minutae, ovatae, acutae, pedicelli cum ovariis tenuissimi, 8 ad 9 mm longi. Sepala petalaeque florum obovato-lanceolata, acuta, 6 ad 7 mm longa, ante apicem vix 1,75 mm lata. Labelli lobi laterales pro rata magni, margine posteriore repandi, toto ambitu fere $\frac{1}{4}$ circuli efficientes, isthmus brevissimus, lobus intermedius profunde sinuatus, subbipartitus, uterque lobus cuneato-obovatus, rotundatus, crista labelli basi simplex, linearis, minute papillosa, deinde in massam multituberculatam divisa, totum labellum 7 mm longum, inter lobos laterales 7 mm latum, lobus intermedius 8 mm latus. Gynostemium valde reclinatum, alae maximae, subbilobulae, obtusae, leviter concavae, antheram superantes, tabula infrastigmatica magna, valde protensa. Flores certe lutei, in centro rubri vel purpurei. — Fig. 15 H: a—c.

Subäquatoriale andine Provinz. Costa Rica: ohne genaueren Standort (Endres n. 127!).

Nota. Excellit prae ceteris *Heteranthis* magnitudine omnium partium et defectu fere omnium florum. Cl. Endres in schedula scripsit »always depauperate«. Flores normales omnino *Heteranthorum*, discrepant tamen ab omnibus jam sepalis petalisque.